



C/2024/2075

5.3.2024

**Fógra le haghaidh na ndaoine atá faoi réir na mbeart sriantach dá bhforáiltear
i gCinneadh 2014/119/CBES ón gComhairle, arna leasú le Cinneadh (CBES) 2024/828 ón gComhairle,
agus i Rialachán (AE) 208/2014 ón gComhairle, arna chur chun feidhme ag Rialachán Cur Chun
Feidhme (AE) 2024/827 ón gComhairle, a bhaineann le bearta sriantacha atá dírithe ar dhaoine,
eintitis agus comhlachtaí áirithe i bhfianaise na staide san Úcráin**

(C/2024/2075)

Dírítear an fhaisnéis seo a leanas ar na daoine atá san Iarscríbhinn a ghabhann le Cinneadh 2014/119/CBES ón gComhairle ⁽¹⁾, arna leasú le Cinneadh (CBES) 2024/82 ón gComhairle ⁽²⁾, agus in Iarscríbhinn I a ghabhann le Rialachán (AE) Uimh. 208/2014 ón gComhairle ⁽³⁾, arna chur chun feidhme le Rialachán Cur Chun Feidhme (AE) 2024/827 ón gComhairle ⁽⁴⁾ a bhaineann le bearta sriantacha atá dírithe ar dhaoine, ar eintitis agus ar chomhlachtaí áirithe i bhfianaise na staide san Úcráin.

Tá cinneadh déanta ag Comhairle an Aontais Eorpaigh gur cheart leanúint de na daoine sna hIarscríbhinní thuasluaite a áireamh ar liosta na ndaoine, na n-eintiteas agus na gcomhlachtaí nádúrtha agus dlítheanacha atá faoi réir na mbeart sriantach dá bhforáiltear i gCinneadh 2014/119/CBES agus i Rialachán (AE) Uimh. 208/2014 a bhaineann le bearta sriantacha atá dírithe ar dhaoine, eintitis agus comhlachtaí áirithe i bhfianaise na staide san Úcráin. Tugtar na forais leis na daoine sin a ainmniú sna hiontrálacha ábhartha sna hiarscríbhinní sin.

Tugtar dá n-aire do na daoine lena mbaineann gur féidir iarratas a dhéanamh chuig údaráis inniúla an Bhallstáit ábhartha nó na mBallstát ábhartha mar a léirítear sna suímh ghréasáin a liostaítear in Iarscríbhinn II a ghabhann le Rialachán (AE) Uimh. 208/2014, chun údarú a fháil le cistí reoite a úsáid chun freastal ar riachtanais bhunúsacha nó chun íocaíochtaí sonracha a dhéanamh (cf. Airteagal 4 den Rialachán).

Féadfaidh na daoine lena mbaineann iarraidh ar athbhreithniú an chinneadh iad a áireamh ar na liostaí thuasluaite, mar aon le doiciméadacht tacaíochta, a chur faoi bhráid na Comhairle, roimh an 10 Nollaig 2024, ag an seoladh seo a leanas:

Comhairle an Aontais Eorpaigh
An Ardrúnaíocht
RELEX.1
Rue de la Loi/Wetstraat 175
1048 Bruxelles/Brussel
BELGIQUE/BELGIË/AN BHEILG

rphost: sanctions@consilium.europa.eu

Tugtar dá n-aire do na daoine lena mbaineann freisin gur féidir an cinneadh ón gComhairle a chonspóid os comhair Chúirt Ghinearálta an Aontais Eorpaigh, i gcomhréir leis na coinníollacha a leagtar síos in Airteagal 275, an dara mír, agus sa cheathrú agus sa séú mír d'Airteagal 263, den Chonradh ar Fheidhmiú an Aontais Eorpaigh.

⁽¹⁾ IO L 66, 6.3.2014, lch. 26.

⁽²⁾ IO L, 2024/828, 5.2.2024, ELI: <http://data.europa.eu/dec/2024/828/oj>.

⁽³⁾ IO L 66, 6.3.2014, lch. 1.

⁽⁴⁾ IO L, 2024/827, 5.2.2024, ELI: <http://data.europa.eu/dec/2024/827/oj>.